



BIBLIOTHECA  
UNIV. GRAZENSIS

kal komp

43466

I

Mag. St. Dr.

P

*hori: De plica quacotio.*

C

P

Pr

*In o*



CHRISTOPHORI  
NAYMAN


PHILOSOPHIÆ ET ME-  
DICINÆ DOCTORIS,

DE PLICA,

*impugnatio libelli. Vocat. R. natus est.*

Pro loco inter Doctores Medicinæ obtinen-  
do, in alma Vniuersitate Cracouiensi,  
ad disputandum proposita

QVÆSTIO.



CRACOVIAE,

In officina Andreae Petricouij, Typographi Regij.  
Anno Domini, 1610.

*Medyc. 631*

*c. β.*



43466

*Pace alij sunt clari, alius splendet in armis,  
Tu ciuis Patriæ, Marte, togaq̃ bonus.  
Æquas maiores, quorum hac monumenta decoris,  
Vt Patriæ studio, sic pietate pari.*



*Illustriss: ac Magnifico Domino,*

D. NICOLA O  
ZEBRZYDOWSKI

De Zebrzydowice,

PALATINO ET GENERALI  
CAPITANEO CRACOVIE. &c.



*Etus est, ILLUSTRIS-  
SIME DOMINE, ut quæ domus, sub  
patroni alicuius tutelam semel  
cesserit, eidem libenter ad o-  
mnem occasionem volunta-  
tem promptam, obsequium & officium, in par-  
tibus singulis insinuet, declaretq̃. Cùm itaq̃  
& auunculus meus, & frater germanus, Ampli-  
tudinis tuæ patrociniū elegerint, & eius opem  
proficiuam senserint: decuit & me illorum vesti-  
giis inhaerentem, aliquem modum querere, per  
quem in gratiam tuæ Amplitudinis me possem in-  
sinuare. Quod dum cogito, non temere me factu-  
rum arbitratus sum, si Quæstionem, quam, re-  
sponsurus*



sponsurus pro loco obtinendo inter Doctores Me-  
dicinae Academiae Crac. paravi; tibi nostro, &  
Academiae singulari patrono dedicare: ut ea tota  
materia, quae ex meo ingenio humilis est, valorem  
ex tui nominis splendore accipiat. Tametsi  
verò me non lateat, summam auctoritatem cum  
summa animi magnitudine simul incedere, ut  
propterea viri Principes cauerent, ne suum nomen  
praesigeretur, nisi illustri operi, & à laudabili arti-  
fice: subinde verendum mihi fuerat, ne tu hac  
dignitate & auctoritate Regni Senator, rudi  
Quaestiuuncula mea, tuum illustrissimum praefigi  
nomen, submolestè ferres: tamen cum tuam praes-  
tantem singularemque naturam, & in summa di-  
gnitate animi moderationem respicio, confido  
& huic meae operae aliquem apud te locum futu-  
rum. Nec in multum epistolam meam diffun-  
dam, considerans potius, quid aures tuae pati pos-  
sint, quam quod tuis amplissimis debeatur vir-  
tutibus, quae vigent, vigeantque memoria seculo-  
rum omnium. Quin potius imitabor Aegyptios,  
qui Deos inarticulata voce colere solebant, quò  
plurima cupientes, precandi facultate sese destitui  
signifi-



significarent. Accipe Illustriss: Heros, exiguum  
hoc munus ea benignitate, qua tui studiosorum  
soles, non rem sed dantis attendens animum, nec  
alienum à tua dignitate cense, Questionem hanc,  
sub tuo patrocínio, tuisq; auspiciis in publicum  
prodire, & me quoq; ipsum, tuo favore, & beni-  
gnitate complecti velis.

Crac: xij. Febr. M D C X.

Illustriss: Cel: V. deditissimus

D. Christophorus Nayman.

# AD LECTOREM.



*V*Mea, quæ pia memoria Excell: Vir Hercules Saxonia, celeberrimus olim in Patauina Academia Medicinæ Professor, præceptor meus, de Plica prodidit, probabiliter à quibusdam in dubium vocari cognovissim; iudiciorum severitate non deterritus, quicquid illud periculi est (post septenne meum in Italicis Academijs Medicina studium) in honore præceptoris tuendo, eam ipsam materiam publice defendendo subire, & sustinere pro virili decrevi. Tum verò cum præstantissimus Medicorum Celsus scribat, nulla causa magis Rationales Medicos Empiricus præstare, quàm quòd novis etiam morbis opem ferre possint: ideo Clariss: D. Doctorum iudicio, morbum, qui populares nostros miserrimè affligit, proponere volui, ut illi pro rationalium officio morbi natura penitus perspecta, tandem auxiliatrices manus infirmis porrigant. Vale & faue bonis causatibus, bone & benevole  
Lector.

QVÆ



# QVÆSTIO.

V. Pilorum inuiscatio, ab humore viscido facta, nostris *Gościec* dicta, vniuersi, & virulentiaë sufficienti purgatione, itemq; virulentiaë alteratione & symptomatum occursu, rectè curari possit, nec ne?

## Conclusio I.

Pilorum inuiscatio, vt & diuersorum morborum ac symptomatum affectionis huius syndrome, proprietatis cuiusdam occultæ, omnino maleficæ, in substantia impetum faciente residentis, à lue venerea, calore natiuo imminuto, externo aucto, mediatè & dispositiuè causantibus, effectus est.

## COROLLARIA.

1. *Plica, affectus non Sporadicus, non Endemicus, sed Epidemicus.*<sup>+</sup>

2. *Plica*



2. *Plica* malignus morbus, non tamen adeò ut  
spem salutis adimat.

+ *ex Galieno*  
1518.

3. *Plica*, affectus communis venenatò, tres sunt  
mediata causa. <sup>†</sup> *Aëris* humida constitutio,  
*lues Venerea*, & vulgaris viuendi ratio:  
hac principalior causa, non solum id, quòd  
communis sit, efficit: verumetiã propriam  
ac specificã tribuit sibi naturam, cui Galli-  
ca proportionem correspondentem, quam pro-  
pria ac specifica comitantur symptomata.

4. *Venenum Plicam* specificans, siue quippiam,  
aliud simile veneno morfu inflicto, intra  
corpus generatur.

5. *Præsentis veneni* subiectum impetum faciens,  
primario vapor est unctuosus, & pinguis;  
quod venenum, fuligini, deinde fumo, & si-  
mili auræ vaganti, communicatur.

6. *Loci affecti in Plica* rationem habent, arti-  
culationes, periostia, tendinose nervosq;  
partes, vertebrarum ligamenta, cerebri  
meninges, pericranium, & cutis capitis.

7. *Veneni præsentis causa effectiua*, qua proxi-  
mè posita, veneni forma ponatur, ignota  
est:



*est: mediata, materiamq<sup>ue</sup> recepturam formam disponentes, sunt, lues Venerea, calor natiuus diminutus, & extraneus auctus.*

## Conclusio II.

A corporis purgatione, siue illud Cacoichium siue Plethoricum sit, post inuiscationem, curatio incipienda.

### COROLLARIA.

1. *Ante Plicam, sectione venæ, vel Pharmaco, ab extra ad intro, mala qualitas non retrahatur, quæ, doloribus, & sæuis convulsionibus patienti molesta, cura Medici in tricas abiens, pudore potiùs & pediculatione molestet.*
2. *Venenum, cum fuerit in pilis stabulatum, tum purgetur corpus, cui negotio Deleteria inepta.*
3. *Deleteriiis si uti acciderit, in quantitate modica, & optimè correctis id fiat, vel Benedictis aliis solvatur.*

B

4. Beni-



4. Benignorum iterata exhibitio, prout purgandi excrementi copia indicabit, præscribetur.
5. Pituitam, vel alium humorem educentibus, quæ adustum educant, admiscenda.
6. Plenitudine indicante, ætate & viribus consentientibus, apparente Plica, secetur vena.
7. Caput mitioribus tractetur, Nasariis vel Gargarismis, cum cautela, quam communiter Practicantes præscribunt.

### Conclusio III.

Virulentia ab intro ad extra educenda, in curatione præsentis, principale intentum sit.

### COROLLARIA.

1. Quæ inter naturam & naturam, sympathia aliqua venenum alliciunt, generica non specifica eligenda.
2. Vesicatoria sine Cantharidibus, magnam hinc prærogatiuam habent.
3. Psilothri vsus, modo bonæ rationi respondeat experientia, non prohibendus.
4. Per ambitum euacuantia, siue id per sudorem,

*rem, siue per exhalationem insensibilem faciant, accommoda.*

5. *Cautica & attrahentia omnino Deleteria, huic veneno attrahendo utilia, quæ, an quæ venena, similitudine substantiæ, vel manifestè, ut vacuo attrahant: Problema esto.*
6. *Deleteria, quæ collo appensa, vel cordis regioni apposita, conferre aliquid dicuntur, admittenda.*
7. *Calorem habentia moderatum, in pingui & oleosa substantia repositum, similitudine materiæ attrahentia, apponantur.*

### Conclusio III.

Nō solūm præsentia veneni, sed & mala qualitas, suum habeat contrarium, & proximum, post veneni euacuationem, præstantiæ locum vendicet.

### COROLLARIA.

1. *Alexipharmacis Diaphoreticis utendum.*
2. *Lapis Bezoar, pro Alexipharmaco & Diaphoretico præstantissimo, admittendus.*

B 2

3. Mono-



3. *Monocerotem, si quis habere possit, simplici ceruino cornu, non postponat, in defectu, in liquore aliquo sudorifico, hoc propinari poterit.*
4. *Alexipharmacorum propriorum, ad præsens, nullus usus.*
5. *Experientia, vel Analogismo, non Methodo, hæc quarantur.*
6. *Medicamento frigidum alteranti, quæ calorem oppugnent, admiscenda.*
7. *In alteratione ad frigidum, temperamenti natui, veneni, simul & semel, habenda ratio.*

## Conclusio V.

*Symptomata, cum patientem vrgent, Medicum, ad sibi occurrendum, etiam vrgeant, & ab his curatio incipienda; idq; tum principale in curatione fit.*

## COROLLARIA.

1. *In dolore mitigando, non causam respicientibus, neq; stupefactoriis, sed verè Anodinis, insistendum.*

*Mem-*

2. *Membrum contortum, moleſcat, materia conuulſionis cauſa attenuetur, ac tandem digeratur.*
3. *Dolores & conuulſiones, ſi mitioribus medicamentis demulceri et tolli non poſſint, Hydrargiri inunctio proderit.*
4. *Hydrargiri moroſa operationi, vt ignoſcat corpus, robuſtum ſit.*
5. *Antequam inungatur, purgetur corpus, purgante, vel ſecta vena.*
6. *Ante inunctionem, viſcera roborantibus, poſt, Alexipharmacis vtendum.*
7. *Gibbi, prognosticis relinquendi.*





# EX NATVRALI PHILOSOPHIA.

## APPENDIX I.

Quæ pilorum materialis Causa?

Conclusio.

Pili materia viscida, subpinguis, lenta, & ferè eadem quæ feminis.

## COROLLARIA.

1. *Hæc fuit sententia Aristotelis.*
2. *An Galeni? Problema esto.*

## APPENDIX II.

Quæ in Plica pediculorum materia?

Conclusio.

Materia pediculorum, humiditas certa, subputrescens, moderatæ consistentiæ.

## COROLLARIA.

1. *Sic sensit Aristoteles.*

2. *Ari-*

2. *Aristotelis illud ( de hist: animalium vi. 31. pediculi ex carne. ) ad locum, non ad materiam, referrendum.*

### APPENDIX III.

An Hepar spiritus naturalis fons, & facultatis naturalis origo?

#### Conclusio.

Ab Hepate humorum tantummodò officina, nulla virtus naturalis partibus communicatur.

#### COROLLARIA.

1. *Particulares virtutes, ad nutritionem necessario requisite, ut trahens, retinens, alterans, expellens, nequaquam aliunde influunt, sed omnes suis membris insite.*
2. *Nulla sanguinis efficiens virtus, ab hepate in venas effluit.*
3. *Nutritio & Acretio, operationes facultatis naturalis principes, nullo ab extra veniente spiritu naturali, fiunt.*




34. v. 78.



*Handwritten text in a cursive script, likely a library or archival mark, partially obscured by the binding edge.*

*Vertical handwritten text along the left edge of the page, possibly a list or index.*

Biblioteka Jagiellońska



stdr0016891



